

武岡州志卷二

紀二

古大政紀

武岡自漢設縣沿至於今屹為大州歷代有事於茲
土者其建置修廢利弊興革史乘約畧猶可舉也並
次其年月著於篇作古大政紀

漢

武帝元朔五年丁巳六月封長沙定王子定為都梁敬侯漢

書王子
侯表

東漢

武岡州志 卷二 古政紀

光武建武二十五年巳酉三月伏波將軍馬援等伐五溪蠻

冬十月叛蠻悉降後漢書光武紀

桓帝延熹三年庚子秋零陵蠻入長沙以右校令度尚為荆

州刺史討平之後漢書南蠻傳

酈道元水經註云縣左右二岡對峙後漢伐五溪蠻蠻

保此岡

按後漢書馬援傳軍次下雋有兩道從壺頭則路近
而水險從沅則途夷而運遠帝從援策進營壺頭壺
頭在今之沅陵沅則安福桑植二縣地也皆不由武
岡按此則援當日實未至武岡考後漢書南蠻傳屢
有事於五溪酈註并未確指今姑摘錄一二事以實
其說以明道元之精縣名所自起斷非臆說也

晉

世祖太康元年庚子析都梁置武岡建興二縣綱目

隋

高祖開皇三年癸卯省都梁入邵陽縣復置武攸縣輿地廣記

唐

高祖武德四年辛巳改武攸為武岡縣復置建興縣同上

七年甲申省建興併武岡縣同上

代宗大歷十四年巳未武岡賊帥王國良作亂遣都官員外

郎關播招撫之通鑒

武岡州志卷二 古改紀

德宗建中元年庚申國良據武岡叛詔以曹王臯為湖南觀

察使率兵討之盡降其眾通鑒

憲宗元和七年壬辰武岡蠻獠亂潭部戎帥御史中丞柳公

綽招撫之柳宗元武岡銘

按新唐書憲宗紀元和六年十二月辛卯辰淑州首領張伯靖反寇播敵二州八年八月辛巳湖南觀察使柳公綽討伯靖云云考公綽本傳則不載此事今仍舊志從柳宗元武岡銘斷以七年或者文人之筆有信於史傳者也

宋

仁宗天聖九年辛未武岡蠻叛邵州刺史郭達討平之宋史郭達

傳

神宗熙寧八年^乙廢武岡白沙砦置關硤武陽城步三砦

宋史地理志

哲宗元祐四年^己置武岡赤水砦同上

七年^壬選差武岡縣中等以下戶充土丁弩手與免科役

宋史兵志

徽宗崇寧二年^癸荆湖南路安撫鈐轄李閱言收復綏寧

縣上堡里臨口砦合用防柘弩手千人乞於邵陽武岡

兩縣中等以下戶選差同上

武岡州志 卷二 古政紀

五年^丙陞武岡縣為軍改臨口砦為臨岡縣隸武岡軍同上

始立軍學舊志

建軍學於崇恩門外舊志

大觀元年^丁置武岡硤口砦宋史地理志

高宗紹興元年^辛臨岡峒民楊再興叛詔討之宋史南蠻傳

三年^癸詔裁武岡軍所屬三縣人戶義保弓弩手同上

十四年^甲成義郎充武岡軍綏寧縣管界都巡檢兼溪峒

首領楊進京率其族三百人備方物求入貢同上

二十四年^丁禽楊正修及其弟正拱送理寺獄輟治斬之

同上

二十五年戊寅置新寧縣隸武岡軍 宋史地理志

三十年癸未改武岡軍臨岡縣為臨口砦 宋史南蠻傳

孝宗乾道四年戊子知武岡軍趙善穀上書請復臨口砦為

縣同上

淳熙二年丙申峒民楊民敖叛統制李逢源討之獲其黨於

武岡磔之以狗 舊志

寧宗嘉定三年庚午武岡軍變判官葉莫討平之 舊志

元

武岡州志 卷二 古政紀

四

世祖至元十三年丙子置武岡安撫司 元史地理志

十四年丁丑改武岡軍為路 同上

成祖元貞二年丙申湖南寇詹一仔聚武岡湖廣中丞劉國

傑討平之 舊志

仁宗皇慶二年癸丑建儒林書院於城步砦 舊志

泰定帝泰定四年丁卯武岡峒蠻作亂縣尹歐陽元諭降之

元史歐陽元傳

順帝至正六年丙戌猺賊吳天保寇武岡城陷湖廣右丞沙

班復之九月天保復陷武岡殺沙班詔以湖廣行省平

章苟爾公討平之 舊志

明

太祖洪武元年 戊申 改武岡路為武岡府 明史地里志

三年 庚戌 改綏寧隸靖州 通志

四年 辛亥 武岡寇叛江陰侯吳良討之始吹築內城 舊志

六年 癸丑 置武岡守禦千戶所 詳兵書

九年 丙辰 降武岡州省武岡縣入之 明史地里志

二十四年 辛未 武岡叛州判徐彝苑之 舊志

成祖永樂十一年 癸巳 武岡苗叛鎮撫唐信力戰苑之 舊志

武岡州志 卷二 古政紀

五

二十一年 癸卯 改封岷莊王梗於武岡 明史諸王傳

英宗正統二年 丁巳 置武岡守備府 詳兵書

景帝景泰二年 辛未 武岡奸民蒙能煽亂叅將陳友討之

六年 乙亥 蒙能復領苗入寇巡撫王永壽奏請調兵剿之

岷郡王廣通楊宗以罪廢為庶人 明史諸王傳

英宗天順七年 丁丑 巡撫王儉總兵李震巡按龔謙俱以苗

變巡視武岡要害 舊志

孝宗宏治十四年 辛酉 峒蠻李再萬叛巡撫閻仲宇奏請調

兵討之 舊志

十七年甲子改武岡城步巡檢司置城步縣 明史地理志

武宗正德十三年戊寅築新南門 詳工書

世宗嘉靖五年丙戌土寇李政等作亂叅將童景檄守備王

表討平之 詳記載

四十五年丙寅增築外城 詳工書

崇正十二年己卯改築內外城 詳工書

十六年癸未三月土寇袁有志等作亂城陷殺岷王企鰲知

州譚文佑率吏目王之道討平之有志遁

四月檄黎靖叅將劉承允統官兵至八月俘有志磔之

武岡州志 卷二 古政紀

六

九月流賊張獻忠遣其黨掠武岡副總兵劉承允輕騎躡

賊後賊遁至莪口爲鄉團所遏殄殲殆盡 詳載記